



כבוד ליהודה

GLORIAM
FASCIVM PRAESIDIALIVM
 EX
 ARCTISSIMO GRATIAE ET IVSTITIAE VINCVLO,
 CVM
VIR
 PER-MAGNIFICVS, GENER. MAXIMEQVE
 STRENVVS DOMINVS,
 DOMINVS
IOANNES IACOB.
BRACKEN-
HAVSEN,
 REIPVBLICAE ELBINGENSIS
 PRAE-CONSVL GRAVISSIMVS,
 HACTENV
VICE-PRAESES
 ET
 SVPREMVS OFFICII PVPLLARIS CVRATOR
 LONGE DIGNISSIMVS,
VRBIS PRAESIDIVM
 AMPLISSIMI SENATVS AVCTORITATE,
 A. R. S. MDCCLII. PRID. ID. MARTII,
 EX MERITO SVSCIPERET,
 INTER PVBLICA ET PRIVATA GRATVLANTIVM VOTA,
 SVBMISSO, VT PAR EST, VENERATIONIS CVLTV
 OFFICIOSE PROSEQVITVR
GYMNASIVM ELBINGENSE,
 INTERPRETE HVMILLIMO
NICOLAO GRÜTTNERO
 GRAEC. ET HEBR. LINGV. PROF. EXTRAORD. ET REV. M. CAND.

ELBINGAE,
 LITTERIS PREVSSIANIS.



AMORE & TIMORE.



Instaurate diem, cives, ac addite vota
votis devotis; gaudia *vestra* canit.

Gaudia *vestra* canit, canerem quoque tempore digna,
digna modo & *meritis*, VIR VENERANDE, TVIS.

Suscipe, MAECENAS, aderit jam tempus, honores,
queis TE maectari fata secunda volunt.

Suscipe Drusiadum ter fausto sidere *Fasces*,
Praefidis, ALME PATER, munera laetus adi.

Laetus adi *Curas*, secura forte capesse:

Per TE, vaticinor, dulcia signa manent.

Dulcia signa choro musarum, dulcia civi,
dulcia, si fas est dicere, signa mihi.

O! quem TE memorem, quem jam coluere clientes,
et DECUS agnovit *sanctior ordo* suum?

MAGNUM TE memorem, magnis minimisque probatum,
GRANDE DECUS RERVM, *Gloria cujus*, Amor.

Sint, quibus arrident veneranda cacumina Romae,
excidat & nostri dulcis imago soli.

Laudent, qui leges posuere ac inclyta jura.
Ille Numam, hic Titum tollit ad astra suum.

Quem super antiquis in rebus posthuma proles,
qui superat gressus, splendida Roma, tuos,

Ense manuque potens Carolus, sed major amore,
et Pater & *Judex*, terror amorque fuit.

In genere humano non est excelsior alter,
secula vix similem fertiliora dabunt,
Pectore qui leni populos complexus amavit,
punit, at in *poenis* nomen *amoris* habet.
Est factis merito vindex metuendus iniquis.
Idque volunt leges, ne decus omne ruat:
Sed mitis placido cui spirat gratia vultu,
is vel saxa suis ducit ad omne modis.
Dat veniam culpae, vires, irasque remittit,
legibus immoto sint sua jura loco.
Mira cano, cives; humero qui sustinet orbes,
ac nutu placido fidera cuncta regit,
Conditor omnipotens, hominum, rerumque repertor,
quoque minante semel mundus & astra trement,
Protinus exarsit; sed tempora distulit irae,
alma dat in nostris jura colantur agris.
Cumque Noas quondam perverso pandit in orbe
justitiae leges, iussa tremenda Dei;
Ferrea sed proles faciles rejecit habenas,
post annos *centum* vulnera caedis erant.
GRATIA LONGA PATRIS; sed vindex hauriet ignis
nectentes factis irrita vota, cadent.
Scilicet, haud posset mortalibus ulla protervis
irascente salus paxque venire Deo.
Aft mediator adest, pereunt certamina belli;
Humanae vindex pacis & auctor, *amor*.
Jam redit ad Dominum per *leges gloria regni*:
Numine nil ingens mitius orbis habet.
Sic me demulcent, PRAE-CONSVL, gaudia fortis,
queis facis in cives nomina firma PATRIS.
Quot jam lustra *Tuis meritis* lustrata dedere
ominis & voti signa secunda sacri?
Diffimules *Stirpem*, taceas *Nomenque Genusque*,
optima Cumaeae secula vatis ages.
Secula vatis ages, ridet, TIBI, *Gloria*, PRAESES,
aucta *Patris*; per TE constet *amoris* honor.
Parvae molis erat majorum vivere jure,
civibus & musis cum, PATER, addis opem.
Cumque sacrum conscendis ebur, fellamque curulem,
librando, PRAESES, singula lance pia,
Per TE vaticinor: *fascēs justaeque secures*
his *amor*, his *terror*, *Gloria nostra* manent.

Gloria Praesidii TVA non nisi *Gratia* iusti
 quem colis in terris dulcis imago Dei.
Gloria Drusipoli, per TE sua *Gloria* templo,
 legibus & musis *Gloria*, *noster amor*.
 Maeste TVO TITVLO, quo TE mactare SENATVS
 certat, laeta *Patris* fata, PATRONE, vide.
 Drusica gens tandem per TE, GENEROSE, videbit
 secula fausta, suos & sine clade dies.
 Lux optata venit, redeunt spectacula vitae
 aurea, & aeternum quae paritura jubar.
 Sic DVCE TE fas est multum sperare salutis.
 Sic DVCE TE fas est ferre labore jugum.
 Vive, vige, flore, sint omina grata Lycaeο,
 indice quae signant tempora clara suo.
 Felices populi solvendo vota parentum,
 quois sic contingit signa beata sequi.
 Plaudite *Praesidio*, cives, ac discite jura,
 quae *bonus* exemplo provocat ipse *Pater*.
 Plaudite, *rursus amat*, sit *Gloria*, *rursus ametur*,
 corda putat factis praemia iusta suis.
 Fronte dabis laeto TIBI ut haec altaria fument;
 Sed nisi demulcent digna FAVORE TVO
 Gaudia, continuem devota mente manuque.
Gloria sit nobis *sacra*, *sacrata* TIBI.
 Caetera: confirmes renovati signa *Favoris*,
 ac bene, MAECENAS, consule quaeso TVO.

